

佛說大乘十法經

服三

梁僧伽婆羅譯

如是我聞一時佛住王舍城者閻崛山中與  
大比丘五千人俱無量菩薩衆余時彼大菩  
薩衆中有菩薩摩訶薩名曰淨無垢妙淨寶  
月王光集彼菩薩大衆中余時淨無垢妙淨

寶月王光菩薩摩訶薩即從座起捨蓮華臺  
往至佛所偏袒右肩右膝著地合掌白佛言  
世尊世尊大乘比丘住大乘比丘者何故名  
住大乘比丘復以何義故此大乘名曰大乘  
余時世尊告淨無垢妙淨寶月王光菩薩摩  
訶薩言善哉善哉淨無垢妙淨寶月王光汝

能問如來此甚深妙義善男子善思念之吾  
當為汝分別解說余時淨無垢妙淨寶月王  
光菩薩白佛言世尊如尊教余時世尊告淨  
無垢妙淨寶月王光菩薩言善男子菩薩摩  
訶薩成就十法名住大乘何等為十所謂成  
就正信成就行成就性樂菩提心樂法樂觀

正法行於正法及順法遠離憍慢我慢等事善  
好通達諸密語不樂聲聞及緣覺等善男子  
菩薩摩訶薩成就如是十法名住大乘善男  
子菩薩摩訶薩成就不詭曲柔和行柔和行  
故能信諸佛如來正真正覺無上菩提善能  
信一念中三世諸佛智信如來藏不斷常不  
老死不可盡亦信實際法界一切種智一切  
種智相諸力無畏不共佛法復信諸佛如來  
不可灌頂亦信三十二大人之相八十妙好  
圓光等法復信聲聞所說或緣覺所說菩薩  
及餘所說亦信世間及出世間復信正行行  
者順行等沙門及婆羅門亦信諸善根業報  
業報寢下惡不可樂聞不愛甚重麤過或地  
獄畜生餓鬼等處彼如是信已遠離三法何  
等為三所謂疑惑不決等事善男子菩薩成  
就如是諸法名為正信余時世尊欲重宣此  
義而說偈言

信爲最上乘 以是成正覺 是故信等事  
智者敬親近 信爲最世間 信者無窮之  
是以信等事 智者正親近 不信善男子  
不生諸白法 猶如焦種子 不生於根芽  
善男子云何菩薩摩訥薩成就諸行善男子  
服十法菩薩摩訥薩剃除鬢髮以被正服殷重信心

捨家出家出家已習學菩薩威儀戒等諸行  
或復聲聞威儀戒等諸行亦學緣覺威儀等  
行彼如是或以所有身口意等同習煩惱彼  
一切同滅是中何者身所有同習煩惱所謂  
殺生偷盜惡欲邪淫刀杖瓦石等執慳惄於  
他動手足等往來逃走等事是名身有同習

親覺士覺飲食衣服卧具醫藥資用等覺著  
處著乘著牀著諸飲食妻子男子營作梨樓  
奴婢等錢財穀麥倉庫貯積等事乃至著種  
種資用之具彼如是吝著已所說事中若失  
一事便生其憂苦惱妄想等事彼如是遠離  
愛潤心已生於思惟善男子略說意業猶如  
世間輪轉故說意業同習氣煩惱彼如是離  
身口意業同習煩惱已於和尚所起其尊想  
其阿闍梨所起和尚想於同梵行若老若少  
起殷重恭敬彼獨在空閑之處作如是思惟  
我不應作如是我為度一切衆生為解一切  
服十法衆生為令安調伏靜定衆生故發諸行然我

煩惱是中何者口家同習煩惱所謂妄語兩  
舌惡口綺語恒說惡語毀謗甚深諸典於諸  
尊長修梵行中廣說惡名是名口同習煩惱  
是中何者意家同習煩惱所謂憚貪邪見嫉  
妬樂著名聞利養親族姓憚色憚幼年憚無  
患憚長壽多聞憚思惟憚欲覺妄想覺惡覺

三  
自不調伏不隱諸根未為寂滅我必修正行  
令有見我者必得成受調伏亦順諸佛微妙  
等教復令歡喜諸天神龍夜叉乾闔婆等善  
男子此名為菩薩慙彼作如是思惟勿有令  
我若道若俗於諸威儀行中取諸過失所謂  
行戒行不正中或見形或威儀行或行資用

壽命行等彼如是慙愧已日夜之中六時觀

於持戒等法彼善持戒已無復疑悔令入住  
如來佛法中無有休息善男子此之名為菩  
薩愧善男子是名菩薩成就如是諸行尔時  
世尊欲重宣此義而說偈言

諸佛行為本 及聲聞弟子 是故智者修  
行行常堅固 諸菩薩大智 行諸無畏行  
令證離垢道 諸佛所讚歎

善男子云何菩薩成就性佛子菩薩性成少  
欲瞋恚愚癡等不妬不憚不惱不說麤言不  
欲調戲不輕動調和柔軟已可親近性能成  
就上妙供具供養諸佛所謂資用等財惠施  
與他具足成就手足頭目等若見如來或如  
來弟子見已即生恭敬歡喜之心善男子菩  
薩如是名為性成就尔時世尊欲重宣此義  
而說偈言

相煙即知火 鴛鴦以顯水 復相知諸性  
菩薩大名稱 柔和不詭曲 捨離慳嫉妬

愍念一切衆 名之為菩薩

善男子云何菩薩摩訶薩喜樂菩提心若有  
菩薩摩訶薩體性微發菩提心時值佛菩薩  
或聲聞緣覺等教化勸發而生阿耨多羅三  
藐三菩提心是名喜樂初發菩提相彼聞菩  
提及菩提功德已即發阿耨多羅三藐三菩  
提心是名第二喜樂菩提相彼菩薩見諸衆  
生無能救護無所歸依孤獨無能濟拔無覆  
護無舍宅無有洲已即起悲愍心彼發心已  
作如是念我今為諸衆生作救護歸依濟拔  
覆護舍宅洲等為彼因緣故發無上菩提心  
是名第三喜樂發菩提心彼若見如來或菩  
四薩聲聞緣覺等滿足諸行見已心生歡喜愛  
敬安心以是因緣發阿耨多羅三藐三菩提  
心是名第四發菩提心彼菩薩為諸衆生利益  
安樂故行布施持戒修忍發精進行思禪  
定修正慧云何菩薩行布施所謂須飲與飲  
須食與食須乘給乘須牀榻敷具者給牀榻

敷具等須衣施衣須金銀寶冠環釧等諸莊嚴具乃至己身皮肉潤益衆生彼如是行於布施已然彼布施迴向發阿耨多羅三藐三菩提雖施而不生我慢等心云何持戒成就身口意業彼捨離身口意業等已善離能防無礙無漏純淨無雜奉持禁戒然彼持戒迴

向阿耨多羅三藐三菩提雖行持戒然不起我慢等心善男子云何菩薩修忍彼瞋罵說枷壓繫閑切割檣打若道若俗能忍能容不起諸習等煩惱如是修忍已然彼迴向阿耨多羅三藐三菩提雖修忍然不起我慢等心善男子云何菩薩發精進心彼作如是念猶如虛空界無量無邊衆生界亦無量無邊然此衆生界我獨無二令安無餘涅槃界中是以爲彼因緣故發行精進身不離身念觀受彼觀受已觀心心行彼觀心心已順觀諸法彼如是善憶念觀已爲未生諸不善法令不生故起欲修勤精進持心等正行為未生諸

卷十法

五

善法令生故起欲修勤精進直心等正行已生諸不善法爲令滅故起欲修勤精進持心等正行已生諸善法爲令久住故復令增長思故起欲修勤精進持心等正行彼發精進已令成初如意足分如是第二第三乃至成第四如意足分彼成就如意分能令住一劫若減一劫或具足行令滿精進波羅蜜如是發精進已然彼精進迴向阿耨多羅三藐三菩提雖發如是精進心然不生惱慢善男子云何菩薩思禪定行離意欲離意滅離欲靜不依內不依外不依色不依受想不依識不依欲色無色界不依空無相無願不依世間出世間不依布施持戒忍辱精進等善男子乃至略說一切有想繫縛等名爲禪如是修諸禪然彼禪迴向阿耨多羅三藐三菩提雖思修此禪然不起我慢等心善男子云何菩薩修智彼作如是念無量無邊衆生界令入涅槃然無一衆生可入涅槃何以故如佛所

說一切法無我無衆生無命無壽無不伽羅  
如是修觀智然彼智迴向阿耨多羅三藐三  
菩提雖觀修般若然不起我慢等心善男子  
如是菩薩摩訶薩樂菩提心余時世尊欲重  
宣此義而說偈言

猶如摩尼珠 顯於寶藏中 師以加功用  
倍明於本色 成就如是性 求正菩提心  
二邊既寂靜 令魔不得便

善男子云何菩薩樂法成就善男子若菩薩  
性樂法喜法愛法彼若見沙門若婆羅門所  
有資用命具飲食等事彼能奉上使世間所  
有受用等根莖枝葉華果等彼收已施諸衆  
生持諸法者令往礼拜恭敬合掌迎接已殷  
重敬納心有所疑處問於正義是以持法者  
隨所聞義善能解釋彼於聞法者起世尊想  
善知識想起同世間諸海想起和尚想阿闍  
梨想父失導師世間曠生死難中能訪覓  
起訪覓想父遠愚者閻閻目開故令起覺悟

想墜沒世間煩惱泥中而起濟拔之想父遠  
失正路爲作導師故而起導師之想父伏在  
世間牢獄能解故而起解者想父遠著患療  
治故而起良醫之想以煩惱火焦滅身令住  
滅故而起大雲雨想彼爲法爲法因故能忍  
寒熱風雨蚊蚋等亦忍飢渴或見他人受樂  
報者不起希求樂心然作如是念唯我世間  
獨樂而我能聞正法彼爲是事故爲彼因彼  
緣故不生憂悲苦惱恨等彼如是離憂悲苦  
惱恨等已發如是心我堪能荷負如來所說  
一法句故在阿鼻地獄住一劫若減一劫彼  
如是無疲倦心已自然不行諸行而得一切  
種智未得諸佛法而令速得善男子以是義  
故菩薩名爲樂著諸法余時世尊欲重宣此  
義而說偈言

大智樂諸法 而成諸佛子 親近正妙法  
而不生疲倦 敬心求正法 諸深心佛子  
及以心憶持 亦顯正妙行

善男子云何菩薩摩訶薩正觀諸法善男子若菩薩作如是觀一切諸法猶如幻迷惑凡夫故一切諸法如夢不實故一切諸法如水中月非事故一切諸法如響非衆生故一切諸法如影計妄想故一切諸法如響聲生滅壞故一切諸法生滅壞緣假成故一切諸法

眼法

本不生不移同真如體故一切諸法不滅本不生故一切諸法無作無作者故一切諸法如虛空不可染故一切諸法定寂滅性不染故一切諸法無垢離一切諸垢故一切諸法性滅離煩惱故一切諸法非色不可見故一切諸法離心境界無體性故一切諸法不住滅諸毒故一切諸法不可求滅愛憎等心故一切諸法無著離煩惱境界故一切諸法如毒蛇離善巧方便故一切諸法如芭蕉無堅實故一切諸法如水沫體性弱故善男子菩薩如是觀名爲正觀諸法余時世尊欲重宣此義而說偈言

一切法如幻 迷惑愚迷者 處色猶如夢  
汝等如是持 法如水中月 亦如響等事  
復如影像等 智者諸不覺

善男子云何菩薩摩訶薩行法順法等善男子若菩薩摩訶薩觀色無常而不厭離色欲證於法已正智助法界同用等法善自觀入

善持彼者諸相善思善記彼記此相善持善修善記己自然行法界等行受想行識亦觀無常然不厭離識等之入法界已正智助同法界等法善自觀達亦記彼相善持善修善記已自然入法界等行如無常苦空無我亦於彼覗色無常已於色中不生恐怖驚等何以故色是妄想顛倒所起然彼如實知觀受想行識無常乃至於識中不忍不怖不驚何以故識者妄想顛倒所起故然彼如實知善男子辟如善巧幻師或幻師弟子化作種種幻事象兵馬兵車步兵彼智者見已不生恐怖驚等何以故彼如實知是幻師所作不

實未曾有虛詐菩薩亦如是觀色無常已於色中不生恐怖驚等何以故色是妄想顛倒所起然彼如實知觀受想行識無常已乃至於識中不生恐怖驚等何以故識者妄想顛倒所起故然彼如實知尔時淨無垢妙淨寶月王光菩薩白佛言世尊云何菩薩觀諸

服十法

色無常然不厭離色而證法界已正智觀入助法界等法尔時世尊告淨無垢妙淨寶月王光菩薩言善男子吾當為汝分別說喻善男子辭如有智男子常事諸毒善持善覆善惜起我相已種種莊嚴具貿易然是不食彼毒勿令我因此事斷其正命菩薩亦如是向

菩薩住世間而不以世間諸患所染佛言善男子為此事故略說一喻善男子辭如呪術之人以大呪術力故諸惡毒蠍蛇等弄戲然彼人不以此事斷其命根何以故以彼人善通達呪術力故菩薩亦如是行世間住世間住世間已大智方便呪力故共諸煩惱毒蛇

九

涅槃心潤向涅槃順向涅槃近取涅槃然不證被涅槃何以故勿令我因於此事退菩提行善男子辭如有人事其火神然彼人日夜香華等供養恭敬尊重讚歎親侍然彼人不作是念我以事火供養恭敬尊重讚歎親近已我以二手接取之何以故勿令我因此事

於身有苦於心有惱菩薩如是向涅槃心潤向涅槃順向涅槃及取涅槃然後不證涅槃何以故勿令我因此事退菩提行尔時淨無垢妙淨寶月王光菩薩白佛言世尊如我知世尊所說意趣菩薩者應住世間佛言如是如是善男子菩薩應住世間問曰世尊云何菩薩住世間而不以世間諸患所染佛言善男子為此事故略說一喻善男子辭如呪術之人以大呪術力故諸惡毒蠍蛇等弄戲然彼人不以此事斷其命根何以故以彼人善通達呪術力故菩薩亦如是行世間住世間住世間已大智方便呪力故共諸煩惱毒蛇

服十法九

而居戲暴亦弄行住坐卧菩薩不以此事故於菩提而有退還何以故彼成就大智方便呪力故尔時淨無垢妙淨寶月王光菩薩言世尊希有希有彼諸菩薩而能不證涅槃復不以世間煩惱毒之所染世尊我今歸依諸大菩薩世尊是諸衆生成就諸善根聞此法

已而生一歡喜心世尊彼善男子善女人諸佛已記若能聞此法門佛言善男子說此法時五百比丘未證無漏而得解脫彼得解脫已即從座起偏袒右肩右膝著地合掌向佛白佛言世尊諸菩薩者可敬可正礼拜佛語諸比丘如是如是如汝所說尔時世尊欲重宣此義而說偈言

敬禮諸大智 敬禮得無畏 敬禮淨諸目  
敬禮親佛子 方便善巧故 及以勝妙智  
菩薩大名稱 能過二乘地 如實知諸陰  
謂生滅諸等 見世間渴仰 故不證涅槃  
善男子云何菩薩摩訶薩離憍及增上憍等  
善男子憍者我自亦可若家若姓若色或復異事金銀等資用象兵馬步兵車兵如是心所有高下者名曰憍我憍者生我身高想若家若姓若色等或金銀財物倉庫象兵馬兵步兵車兵如是心喜高意不下諸他者名曰增上憍菩薩捨如是等法名曰離憍及增

上憍尔時世尊欲重宣此義而說偈言

離憍增上憍

常以慈心念 及常懷悲念

恒怖世間中

常以行乞食

善說人天益

善男子云何菩薩摩訶薩善巧秘密語善男密之教彼不隨說取何者是秘密之教如來記諸聲聞於阿耨多羅三藐三菩提者非如

所說佛語阿難吾患背痛不隨說取退老患朽敗為我訪覓侍者不隨說而取汝目連往至耆婆醫王所取諸妙藥不應如說取如來共諸外道尼捷子等諍其諸伎不應如說取服十法如來怯陁羅剎剎足者是事不應如說而取

提婆達多是如來父遠害者怨家不應隨說而取如來入舍梨耶婆羅門村空鉢而出不應如說而取旃遮及孫陀利謗佛者不應隨說而取須那國毗羅若婆羅門請佛至已食麥亦不應如說而取爾時淨無垢妙淨寶月王光菩薩白佛言世尊世尊云何記諸聲聞

當得阿釋多羅三藐三菩提佛言善男子吾記諸聲聞得無上正真正道者以有性故淨無垢妙淨寶月王光菩薩白佛言世尊云何諸無漏聲聞斷諸有習煩惱設有性而成阿釋多羅三藐三菩提佛言善男子吾今說喻辟如灌頂轉輪聖王有子彼欲學一切技藝等事然是中根復非利根彼應後學是先學應前學復後學善男子於汝意云何彼以此事故可說非王子也答曰不也世尊是善王子善男子菩薩亦已成就中根性故修道門先除諸煩惱障後成阿釋多羅三藐三菩提善男子於汝意云何彼以此事故可說不成正覺答曰世尊我不見有衆生若天若魔若梵若沙門若婆羅門人天阿脩羅衆中說言不成正覺者除一闡提佛言善男子復聽一喻善男子十地菩薩為斷諸煩惱坐於道場為不斷答曰世尊以斷故善男子於汝意云何彼以此豈不成正覺答曰世尊此名為

成佛言善男子此亦如是淨無垢妙淨寶月王光菩薩白佛言世尊云何告阿難比丘吾患背痛佛言善男子吾愍念後世衆生故說此言金剛身諸佛尚患背痛況其餘者然彼愚癡衆生隨教而取彼既自壞亦壞於他吾朽敗老退患為我訪覓侍者善男子我此言亦為後世所說於我滅後後世無弟子故諸沙門婆羅門朽敗老退患者如是以侍者所加身故彼以佛聽故不生之意為此密故說如來朽敗老退耳世尊云何可取汝目連往至耆婆大醫王所取藥善男子我此言亦為後世故說吾諸聲聞必須諸藥知佛聽故而無有之為此事故如來所說彼諸愚癡衆生如所說取如來是患身目連比丘往至耆婆所而不礼拜及不生恭敬速疾之意聞已忿忿說其藥善男子此亦說諸欲等患證見法者尚妄何況凡夫世尊云何可取如來共諸外道尼捷子等諍其諸伎者我為後世衆

生故說此言如來尚有怨家況其我等然彼愚癡衆生如實說取如來有怨家等轉輪聖王微善根故尚無諸怨況如來成就諸功德藏世尊云何可取佉陀羅刺刺如來足如來亦說過去業報如來尚受過去業報況餘凡夫衆生爲是事故爲彼因彼緣故示於惡業爲此義故而示其業果報事然彼愚癡衆生如實所取佉陀羅刺刺如來足世尊云何可取提婆達多是善知識復是如來久遠親近是怨家者善男子若無提婆達多善知識者不顯如來諸佛功德善男子是以提婆達多善知識共如來諍伎等道德示怨家等事然

是顯如來諸大智功德善男子若提婆達多承王教已於大衆中放護財大象此象若往堪害如來而如來力令降伏善調余時無量人衆見彼象調伏已生希有心即歸依三寶所謂佛寶法寶僧寶是名提婆達多善知識之相然有愚癡之人如說而取提婆達多者是如來怨家如是五百世中現菩薩行是提婆達多所示現者顯如來道德然愚癡衆生隨教而取提婆達多者是如來怨家害者以是因緣捨身墮阿鼻地獄餓鬼畜生之處何以故善男子提婆達多者善集諸行善集諸善根已曾供養無量諸佛於諸佛所種諸善根及大乘行正學菩提順向菩提不退於大菩提近阿耨多羅三藐三菩提是諸衆生偏起惡故於命終後墮阿鼻地獄餓鬼畜生之中歷受諸苦善男子云何所取如來入舍梨耶婆羅門村善男子我爲愍後世故行示此教何以故無有業報而對如來然我護後世故所有乞食比丘入聚落村邑城王都等以薄福力故不得其食彼余時正憶於我是其佛世尊具足一切功德空鉢而出何況我等微薄善根我等以是故心不應生退爲此事故如來入村空鉢而出然復所說言魔波旬治諸婆羅門令不給如來食不應隨說

而取何以故魔無如是神力堪障施如來食  
 尔時諸佛神力故令魔處處治諸婆羅門及  
 居士等而如來無有過咎為顯彼衆生故如  
 來示現此方便善巧等事爾時如來及諸聲  
釋十法  
 聞斷食之後魔及魔民并諸餘天觀如來心  
 是沙門瞿曇及諸聲聞弟子為憂惱不彼日  
十一  
 觀如來及諸弟子無有意恨憂惱心已亦不  
 高不下如前後亦如是尔時彼衆中七千諸  
 天子以心歡喜歸依於佛如來為彼善化說  
 妙法彼聞法已於如來法中得法眼淨如是  
 如來觀後世事佛無業報世尊云何可取旃  
 遮孫陀利等以木器置腹上而謗如來答曰  
 善男子如來無有業患果報如來成就諸神  
 通力令旃遮孫陀利過無量恒河沙等世界  
 令安彼人然是如來方便力故示現業報諸  
 謗等事於我法中出家者彼被虛謗既聞謗  
 已而生憂愁疑悔彼作如是說是如來成就  
 一切諸白法對面被謗何況我等而不被諸

彼尔時忍其諸謗行清淨梵行而不成退旃  
 遮孫陀利者以惡業所牽乃至夢中謗其如  
 來謗已捨身墮於惡趣若如來知是可救者  
 便應救之何以故如來無有衆生而是可捨  
 者世尊云何可取如來於脩羅婆國毗蘭若  
 婆羅門所計請三月安居已唯食其麥答曰  
 如來知諸婆羅門居士等請已而不供養如  
 來知已故往至彼何以故所有五百匹馬者  
 如來并諸比丘衆食麥彼一切盡修菩薩行  
 親近過去諸佛是以值惡知識故造諸惡業  
 以此事生畜生中彼五百馬能調伏護者名  
 曰日藏菩薩以願力故生於彼處是諸馬者  
 以日藏菩薩所化發菩提心為化彼故應生  
 彼處以彼調伏馬師力故彼一切諸馬憶本  
 宿命而彼現其菩提心善男子如來愍彼五百  
 馬故往至彼處調伏馬師麥者分半施佛  
 馬音聲令彼五百馬皆能悔過及礼拜佛僧

等尔時彼三說後彼諸馬捨身已生兜率陀  
天中彼復生天中而供養如來如來爲彼善  
教化說法聞法已即不退阿耨多羅三藐三  
菩提彼五百馬所調伏護者如來亦記彼當  
成辟支佛号曰善調伏心然復善男子如來  
無慈不備不常者善男子設使如來食土木

服十法

古

瓦石等無三千大千世界中有如是味及如  
是上味是諸土木瓦石等何以故如來得上  
妙味中之味大人之相故善男子以此義故  
應如是知如來一切諸食皆上妙味善男子  
阿難比丘生憐愍心如來捨轉輪王位今既  
食麥如來知阿難心已施其一麥故語阿難  
言汝知是何味彼食已生奇特異想語我言  
世尊我生王家長養未曾嘗如是上味以此  
上味力故阿難比丘七日受上妙快樂而不  
復食善男子以此義故應如是知如來無有  
業果報若有衆生淨持諸戒若沙門及婆羅  
門不隨本請奉施者爲彼衆生說不虛故如

來示此業果報事善男子汝觀如來諸身等  
法是彼婆羅門請如來而不施設如來亦說  
彼令不退轉然善男子所說彼五百比丘如  
來記令不退者復次善男子所有彼五百比  
丘共如來夏坐安居中有四十比丘多念於  
欲結靜念彼若得美食者欲想欲覺便令熾  
盛彼以惡食因緣故欲想欲覺亦微旣微已  
彼七日七夜得阿羅漢果善男子若能如是  
解如來所說語者彼名爲正解善男子菩薩  
摩訶薩成就如是名爲善巧解如來祕密說  
教爾時世尊欲重宣此義而說偈言

所說漸義教 及以頓說者 大智諸菩薩

秘密故正解

善巧諸密語 捨離執說教

通達正說法

諸佛之所說

善男子云何菩薩摩訶薩不喜樂聲聞辟支  
佛乘善男子若菩薩摩訶薩或以地獄苦餓  
鬼畜生等受諸重惡而不喜樂求聲聞涅槃  
復不念云何得厭離世間心令速得自在亦

服十法

十五

不求少欲少作等復不求少欲少作等行因  
彼所見諸衆生修諸善業者菩薩佐助令成  
及勸諸衆生讚歎正說正示向阿耨多羅三  
藐三菩提善男子菩薩摩訶薩成就如是諸  
功德不喜樂聲聞辟支佛乘余時世尊欲重  
宣此義而說偈言

化衆無疲倦 不退於菩提 持心如山王

行慈心等法

余時淨無垢妙淨寶月王光菩薩白佛言世  
尊如來已說諸法菩薩成就諸法已名爲住  
大乘然如來不說以何義故名爲大乘余時  
世尊告淨無垢妙淨寶月王光菩薩言善男

子吾今問汝隨汝意說善男子於沒意云何  
轉輪聖王并四兵衆隨所行者彼道以何說  
取答曰世尊名曰王道亦名大道名無畏道  
名無障礙道名爲寂靜道佛言善男子如來  
亦爾隨所乘至阿耨多羅三藐三菩提彼  
乘名爲大乘名爲上乘名爲妙乘名微妙乘

名曰勝乘名無上乘名無惡乘名無比乘名  
無等乘名無等等乘善男子以此義故名爲  
大乘答曰善哉大乘世尊善哉大乘余時魔  
王波旬作如是念此沙門瞿曇過吾境界亦  
令餘者能過境界若我集四兵衆共往惱亂  
及不說此法故至沙門瞿曇所余時魔王波  
旬將領四部兵衆至王舍大城耆闍崛山余

時淨無垢妙淨寶月王光菩薩遙見魔王波  
旬將領四部兵衆來欲爲此法令作妨故見  
已作如是神力現神力已魔王波旬至王舍  
大城巷衢四道之處作如是聲汝等往至王  
舍大城諸仁者若知是如來在耆闍崛山中

服十法 為四部衆說法初善中善後善其義巧妙滿  
足白淨說行梵行是故汝等應往如來所是  
以汝等於長夜而成饒益快樂余時王舍城  
中諸婆羅門刹利長者居士等被魔勸已持  
諸香華塗香末香燒香繒幢寶蓋衣服等從  
王舍大城出已至耆闍崛山於如來所頭面

禮佛尊重讚歎供養恭敬已却住一面魔王波旬及四兵衆出王舍大城者闇崛山中至如來所已化作天曼陀羅華而散佛上散已及四部兵衆却坐一面余時淨無垢妙淨寶月王光菩薩見魔波旬却坐一面而告之言波旬汝何故將四兵衆至如來所魔言吾至此爲令滅此法故及惱亂如來故淨無垢妙淨寶月王光菩薩語魔波旬言波旬何容煩亂及滅此法汝波旬於如來前今可悔過勿於長夜成無利益苦報淨無垢妙淨寶月王光菩薩所順說法已魔即從座起偏袒右肩義手合掌禮佛足已於如來前而起悔過願

世尊受我悔過我以愚癡無智慧不善巧不能自知而如來前起惡心及欲滅如是等經善哉世尊爲我正受悔過等法佛語魔王波旬言吾法中增長善根所謂若善男子善女人爲欲清淨法故令能悔過余時魔王波旬從座起已在佛前立而白佛言世尊先制一切諸惱惡口等不善業道佛語波旬如是如是波旬問曰如來法主何故以波旬名而喚於我佛言波旬吾今說喻辭如長者及居士大富財錢無窮然彼人惟有一子愛念深重以彼繼命爲活然彼一子不善調伏心詭曲彼長者及居士若手若杖若拳等治或惡言及苦語惡治爲令息彼惡故波旬於汝意云何是長者居士瞋恨情治彼一子有惡心不答曰世尊惟爲成彼一子故佛言如是波旬如來亦専善知衆生心心數法應以苦惱語調伏者爲說苦惱語應以檀治者即以檀治應以攝取者即說攝取言應以色身度者即以色身度之應以聲香味觸法等度者即乃至法等度之余時魔王波旬從佛聞此法歡喜踊躍復更禮佛足礼已白佛言世尊若有村邑聚落中說是法者我爲聽此法故往至彼處及護此經亦念益法師故是中多有如是瑞相衆則寂定離調戲懈怠等得上勝聽

眼法

十七

法之者若讀若誦若受持若解說身不生疲倦心不起厭足隨所說此法若聽或爲他廣說如是彼轉生歡喜踊躍心余時彼衆中有諸外道尼乾子等彼見聞此魔王所說語已於如來所即生歡喜踊躍之心余時尊者阿難白佛言世尊何因何緣故此諸外道聞說此法而得證忍佛語阿難過去此王舍城耆闍崛山中有佛名曰善勝調伏多薩阿伽度阿羅訶三藐三佛陀說法彼佛說法已有諸外道爲惱故來彼至已聞此法即唱善哉而於佛所不生敬重心彼諸外道以此因緣力故六方劫不生地獄餓鬼畜生之中唯生人天之處彼諸外道以不敬如來故所生之處不值善知識阿難於汝意云何余時彼諸外道等豈異人乎阿難汝不應異意取何以故善男子此諸外道尼乾子等阿難今此諸外道於如來所生歡喜恭敬踊躍心以此因故如來今記得阿釋多羅三藐三菩提余時彼

服十法

六

諸外道尼乾子等聞受記已心大踊躍即得無生法忍說此法時万二千人遠塵離垢得法眼淨二萬衆生未曾發阿釋多羅三藐三菩提心而發道意余時尊者阿難白佛言世尊若有善男子善女人聞此法讀誦受持廣爲人說得幾福德佛言若善男子善女人一切無餘衆生界令安阿釋多羅三藐三菩提者若復善男子善女人讀誦受持及廣爲人說此經是人倍得福德何以故阿難此法能令得阿釋多羅三藐三菩提一切種智世尊若善男子善女人於此法及法師起惡心世尊彼善男子善女人得幾不饒益佛言善男子若善男子善女人超拔一切衆生日若復有人於此法及法師起惡心是人因此事得惡復倍於前何以故阿難此法於一切衆生能作光明阿難白佛言世尊此法不應不信心善男子善女人前說何以故世尊應護後世諸衆生故勿說此法謗法業報故墮諸地

獄中佛語阿難應說此法何以故彼諸衆生  
於阿耨多羅三藐三菩提即以此爲因阿難  
白佛言世尊此經以何名云何受持佛語阿  
難此經名爲十法如是受持淨無垢妙淨寶  
月王光菩薩所問如是受持如來說此法時  
尊者阿難及淨無垢妙淨寶月王光菩薩并  
諸菩薩衆比丘衆及諸天人龍王阿脩羅迦  
樓羅緊那羅摩睺羅伽等聞佛所說歡喜奉  
行

十九末

服三

佛說大乘十法經

憚惱下良反調戲上徒反牀榻上床字押壓下音塔壓字蚊

虻上音文下莫反耆婆上渠夷反醫人此云固活人伎施丘

迦刺刺上七賜反忽忽速七紅反知花知也 反